



松筠小草第五卷目錄

記夢

兄姊聚話益山閣



促織

蘭艾並植

弔真娘墓

春日閒適

閨中十二咏

題斷腸集

端午并小引

題影

輓趙氏表姊

贈表姪女俞端相

秋懷

和三一吟

中秋月下

採蓮曲

秋屋

春夏秋冬

中秋月下

前題

秋感次韻

蚊

駕幸虎丘竹枝詞

雨阻光福

靈巖

半山亭

華山

蓮花峰

旋螺頂

千尺雪

虎丘塔

悟石軒

虎丘月下偶遇二淑媛臨別賦贈

吳閶返棹

秋夜

對鏡

閨怨

洞房

哭長姊

三五七言

無題集詞名二十首

集句十五首

疲兵

病馬

囚鶴

檻鸞

條鷹

飢鳳

焦桐

匣劍

餅梅



蓮花

有感

悼鸚鵡

松筠小草卷之五

嘉定侯承恩孝儀

記夢

理罷絲桐月色瑩小窻無語黃昏靜銀燈挑盡夢  
初成飄然似入蓬萊境蒼松古栢若龍盤瑤草琪  
花滿三徑玉洞瓊瓏路漸深青鸞白鶴聲相應娉  
婷仙子笑來迎謂予到此游何勝俄而引至玉樓  
中笙歌齊奏方開飲麟脯瓊漿取次供冰桃雪藕  
還貽贈須臾筵散步層巒舉頭四望如明鏡峰迴



路轉近林泉丹桂香清風露冷塵寰回首隔千重  
山水蒼茫不可竟方擬躡雲天上游隣雞喔喔旋  
驚醒窻前月色尚微明四壁寒光浸孤影

兄弟聚話盆山閣感賦

君不見前堂曲旃後鐘鼓炙手熏天孰與伍繁華  
既去不復來多少英雄埋黃土君不見雕梁畫棟  
闕闕門高車駟馬來何頻一朝勢盡黃金散平昔  
交游陌路人又不見才高班馬人爭羨時違不遂  
平生願門庭寥落至親疎世路羊腸逐冷暖又不

見傾城絕代豔明眸白雪慘慘青鏡稠圓歌妙舞  
今猶昔誰憐餘態賜纏頭人事紛紛伸復屈天道  
從來未易說三春花柳芳菲節有酒如澗恣懽悅  
勸君莫負好風光相携同玩樓頭月

促織

夜靜促織鳴悠悠我心驚韶光半辜負又值秋風  
生供織是本務何煩爾促成知伊畏風露或者懼  
相爭故投廣宇下唧唧含悽聲引愁并覺夢起坐  
燃高檠

蘭艾並植

與物相安人不會忍使名花同草穢幽姿混入荆  
棘中可憐漸覺容憔悴零落荒村地自偏東皇原  
不妬清妍董猶並艷渾難辨玉石為隣亦枉然蕙  
芽只合藏深谷蕭艾還應在荒陸是誰辜負此芳  
菲祇今休說韶光足雕欄錦砌屬虛言長日離離  
細草邊入夢羞歸燕女側鳴琴難向宋公前嗟乎  
同在土中出貴賤高低本殊特蘭兮艾兮得比肩  
造化小兒不可測

弔真娘墓

昔屬風流話今茲寂寞岡路傍人往返壠畔草芬  
芳百歲誠難沒千秋亦不亡斯靈如未泯往事實  
堪傷皓月雲邊翳明珠暗裏藏盟真似山海志直  
凜冰霜絕粒捐孱質投環廢巧妝寸心能誓日隻  
手可提綱幽怨明慈母鍾情為玉郎生前多阻隔  
死後自徜徉永守鴛鴦塚長屋清靜方我來增感  
慨欲去轉傍徨坏土成名勝幽魂豈渺茫荒言兼  
絮酒魂在自歆嘗



春日閒適

柳色將舒綠梅香欲逗紅  
天空鶴翮健雨潤燕泥融  
野墅聞漁笛荒城接梵宮  
得留佳景在蔬水意何窮

閨中十二咏

撫琴

冰絃整處淨無塵  
聊撥孤鸞一曲新  
花護繡窻香氣煖  
知音自少黯傷神

敲棋

倦繡閒來展畫枰  
爲關勝負若爲情  
沿邊一着斜飛勢  
應變隨機不用爭

題詩

明窻閒自整雲箋  
閣筆沉吟忽黯然  
可惜春光消欲盡  
題成五字倩誰傳

描畫

丹青欲染拂輕綃  
比翼連枝着處嬌  
花鳥留形堪奈爾  
芳容擬向鏡中描

焚香



寶鴨龍涎靜自焚烟凝如霧亦如雲良宵留取成  
佳夢還怯孤衾不忍薰

對鏡

拂拭雙鸞覩曉粧玉容豔質正年芳清光額得長  
相照紅粉青螺自忖量

酌酒

碧玻璃浸綠醅濃纔入猩唇兩頰紅嬌怯不勝憑  
檻坐有情無那倚東風

玩月

細步徘徊意轉濃綠堦花露影重重清光千里人  
同賞愁寂須知獨照儂

登樓

倚遍欄干又上樓杏花紅安綠楊柔柰他鶯燕雙  
雙過隔个朱簾暗轉頭

撲蝶

小扇輕揮不染衣為憐新化出纖微問渠栩栩緣  
何事柳外花前接翅飛

惜花

叮嚀風雨莫摧殘最是飄零着處難春色可憐留  
不住偷將清淚對花彈

倦繡

困人天氣是春餘幾度拋針意未舒底事不關心  
緒嬾刺成比翼待何如

題斷腸集

細推今昔事堪嗟命薄紅顏語未差讀罷斷腸腸  
轉斷亂彈幽淚落燈花

端午

蒲劍舒長正植浴蘭時候榴花吐豔適當日  
屆天中鼓吹填江喧傳吊古色絲續命此際  
招魂拾翠佳人咸闕妝而凝望多情才子亦  
載酒以遨遊誠盛觀乎真樂事也閒居寥寂  
未得追歡細按古今恒多感慨偶讀離騷爰  
成長句聊酬令節云爾

榴紅蒲碧映門踈試問床頭有酒無每為辟邪懸  
艾虎今逢却鬼少靈符吟詩漫憶羅高士掩卷深  
傷屈大夫日午小窻分綠蔭吉祥香餅燎薰爐



題影

悟徹何妨假是真任教揮去亦相親金烏纔吐偏  
先覺銀燭初燒已得神鎮日經行忘對偶清宵獨  
酌聚三人幾回悞認窺簾者却訝無踪掩笑頻

輓趙氏表姊

瓊姿豈合住人間忽地乘鸞返碧天明月清風悲  
別鶴幽窻夜雨咽啼鶻女紅獨擅閨中秀婦德難  
留世上賢生死茫茫從此隔傷心可但涕潸然

贈表姪女俞端相

畫樓花影日遲遲小立春風映玉姿五綵浮來停  
繡後遠山明處試粧時連枝樹長雲留鳩比目魚  
游月漾池恰是多情忝結習窻前嬌鳥伴題詩

秋懷

望裏星河耿夜光露華如許綴空廊栖鳥繞樹魂  
先斷獨雁冲寒意自長幽夢未嘗離故里尺書曾  
寄慰高堂碧紗牕下無聊甚強別銀缸對晚香

和三一吟

詩



破愁無計祇裁詩秀句尤矜被酒時神韻忽來期  
自得推敲全不要人知芳辰相賞花千樹良夜追  
從月一池况有靈心兼夙慧長吟那厭費沉思

酒

福水常言惟有酒遣興消愁期適口微酣已覺天  
地寬薄醉還舒眉上皺看花百盞不計籌知己千  
卮莫停手此鄉賴爾可安居飲中八仙堪作友

琴

猗蘭有搵托清琴靜裡冷然更養心流水高山逢

指下游魚戲鶴出花陰伯牙自昔原同調靖節當  
年是賞音一曲陽春空鄭衛冰壺輪滿夜方深

中秋月下

露冷天高雁叫羣小逶香靄襲氤氳一年月色今  
宵好九十秋光此夜分往事閑尋渾似夢清音欲  
過轉如雲誰家不與嬋娟共坐起徘徊意自殷

採蓮曲

一曲池塘漾漾清輕風蘭漿任經行蓮花出水新  
粧豔采得雙雙自有情

木鐘  
隣舟女伴初相遇  
意淡情投心已許  
怪他紅日忽西沉  
欲去徘徊不忍去

秋屋

幽谷何時得向陽  
秋風蕭瑟倍淒涼  
嚴霜偏窘離羣雁  
靈藥難醫斷後腸  
月照空庭蛩轉切  
寒欺孤枕夜初長  
捫心反側頻搔首  
苦海蒼茫未可量  
悟得生前未了因  
虛靈猶殫箭鋒根  
時違枉設空山願  
身困難酬知己恩  
花笑鳥啼過白晝  
月斜燈地泣黃昏  
問誰能覓忘憂草  
可便將來入酒樽

春

最是春光好  
香生滿院花  
偶來芳草路  
紅紫似晴霞

夏

妝嬾金猊冷  
匡床午夢長  
覺來無一事  
池畔晚風涼

秋

忽有清風至  
亭前桂欲開  
畫欄時拍遍  
馥馥暗香來



冬

萬物經霜盡凌寒只有梅年華轉眼過又是一陽  
回

中秋月下

月色明如洗光華迥不同露濃丹桂濕雲淨碧天  
空人入濃烟藹山留曲徑通何緣風力便得上廣  
寒宮

前題

一庭花月暗香浮好景慚無好句酬明日陰晴渾

未定今宵且作夜深游

秋感次韻

無聊鎮日思茫然淡淡銀河欲曉天坐月每依霜  
露下畫眉懶向鏡臺前萍踪絕似隨風葉詩句真  
慚織錦篇蛩韻淒涼愁不寐最難消遣夜如年  
玉露金風氣颯然巫峰迢遞隔江天夢中好景還  
依舊鏡裏新粧可是前皓月多情憐瘦影塞鴻無  
便寄長箋從今不憚冰霜苦檢點寒香在晚年

蚊



長夜偏來綉帳中  
嚶嚶不放夢魂濃  
丁寧莫近佳人面  
一點胭脂污玉容

駕幸虎丘竹枝詞

夜半傳宣教放舡  
清晨聖駕到山前  
黃童白叟都迴避  
不禁吳姬美少年

黃羅為幔錦為墻  
專候鸞輿出未央  
不用朝儀前後擁  
金爐雙引但聞香

侍臣趨走滿山塘  
宮女如花盡漠妝  
玉輦從容徐上殿  
笑看風景問平章

紅紫層層盡襯羶  
鈞天雅奏有無間  
就中五綵如霞錦  
翻得飄飄近御顏

日月常懸天際頭  
百年難遇袞龍游  
從今便是金鑾殿  
莫但相傳是虎丘

雨阻光福

輕舟如葉滯江濱  
雨勢連宵又向晨  
北極雲遮難見日  
南湖水漲恰當春  
閒情肯負登山興  
好景偏虛失路人  
一任今朝風浪惡  
晴明還待踏花茵

靈巖

蕭蕭極目此登臨雲擁孤峯烟繞村聖世風光長  
自好吳宮花草已無存清音難覓琴中韻響屨空  
留石上痕千載名山游晏處不禁感慨欲消魂

半山亭

半山亭上步從容欲去依依興未窮此地清幽塵  
不到更饒水月與松風

華山

遙望峻嶒勢最高莊嚴梵宇傍山腰蓮花擁出清  
涼界俯視塵凡等一毫

蓮花峰

不盡湖山一望中何當于此著行踪分明大士慈  
悲力直到蓮花最上峰

旋螺頂

遊遍旋螺尚未還松風謾謾鳥綿蠻往來歷盡崎  
嶇路不辨千山與萬山

千尺雪

凍瀑千尋襟澗泉塵襟一洗即神仙但能識得根  
源處始信人間別有天



虎丘塔

直上浮屠最上層諸峰遙矗半陰晴乾坤眼濶河  
山小俯仰心空步履輕羅綺成行瞻福地繁華不  
盡接重城落梅風裡催歸去一晌徘徊感自生

悟石軒

暫憇清幽悟石軒舒懷極目任留連豔粧雜沓千  
人石勝蹟凭臨二井泉說法臺空鳴鶴去真娘墓  
拱綠苔鮮依依坐久斜陽近幾處笙歌送畫船

虎丘月下偶遇二淑媛臨別賦贈

邂逅花前月下峰天涯聚首話偏濃蓬山神女塵  
中遇瀛海仙姝意外逢永夜清談頻剪燭分飛相  
惜怨殘鐘預期勝地明年會別夢知添幾萬重

吳閶返棹

逆浪斜風行路難歸心暗逐水聲寒明年未卜還  
來此回首雲山仔細看

秋夜

露白銀河淡庭虛皓月融寒蛩吟破壁哀雁叫長  
空風閣簫還咽湘靈曲未終綠知腸斷處不待五



更風

對鏡

勉自整晨妝相看暗慘傷韶光同逝水秋鬢忽經霜詩為無題減愁緣多病長關心慈母在咫尺似參商

閨怨

別速翻憐見面遲經年長是別離時那禁聚首成殘夢不盡愁情托短詞明月天涯應共惜空閨人意更誰知芳心總未如灰燼化作冰蠶萬縷絲

洞房

芙蓉繡帳宿雙鴛畫燭紅妝帶笑看誰道春冰猶未泮洞房香爇不知寒

哭長姊

同枝何故各分頭已矣今生萬事休欲把一言傳淑範未曾搦管淚先流

一別音容杳莫尋夢中彷彿見還真可憐天性情尤重但囑頻頻念老親

三五七言

桃含蕊柳吐絲好景從今有開懷定幾時傷心難  
與旁人說幽恨惟應夜月知

無題集詞名二十首

簫管沉沉玉漏遲滿庭芳草綠參差青衫淚濕誰  
知道爲憶王孫十二時  
捫懷何處訴衷情隔浦蓮花似笑迎惆悵臨江仙  
去也孤鷺空自踏莎行  
解語名花若個栽風流多處不須猜傳言玉女搖  
仙佩今夜春從天上來

夢解連環贈故人兩情繾綣漢宮春黃鶯啼破青  
山曉細雨聲敲漫愴神

輕風陣陣送天香燭影搖紅更漏長一自洞仙歌  
罷後傷心不覺倦尋芳

路入蓬萊小洞天月兒高照鏡臺前香羅帶綰同  
心結並蒂欣看玉井蓮

碧霄降下玉天仙貌勝如花一笑嬌仔細龐兒越  
恁好五更轉得願如年

縷金衫子小桃紅分得天香在掌中寒剪湘波憐



薄媚臨江清潤玉芙蓉

欣看桃柳各爭春一段風流迥出人端正好羸紅  
芍藥金蓮子小不沾塵

紫燕穿簾鬧曉妝夢酣蝴蝶戀花房多情愛殺雙  
雙字故作無情罵玉郎

秋到人間豈葉黃一江風起送輕航此行不為胡  
兵犯直謁金門獻大章

七步才名雁塔標錦衣簇擁御林驕鳳凰閣下朝  
天子駐馬聽傳玉漏遙

賀聖朝回嬾送迎令煎新水解三醒四邊靜悄愁  
無寐細雨霖鈴不忍聽

盈盈江水遠園林幾襯斜陽望遠行料得金閨秋  
夜月怨余薄倖不勝情

霜天曉角漏聲悠啄木金雞叫不休忽夢醉歸花  
月渡半遮蘇幙正凝眸

三年學士帶京塵相見歡娛夢不真深鎖寒窻風  
力峭一枝梅透沁園春

高陽臺夢正綢繆怪殺猫兒墜竹樓相聚那堪纔

一煞長相思憶幾多愁

百轉林鶯弄晚晴陌頭驚見柳梢青江城子夜悲  
笳動再別銀燈仔細聽

風入松林撼怒濤月雲高照夜迢迢帝城春色  
人久閒殺粧成步步嬌

千重心事一封書淚落寒冰顆顆珠語句無多意  
不盡倩誰為寫錦魚兒

集句

綠陂無路草芊芊早是傷春夢雨天愁逐野雲消

不盡月移花影到窻前

許韋張無  
渾莊泌氏

夢後城頭曉角哀碧沙明月照蒼苔生情暗結千

重恨懷抱何時得好開

顧宋司空杜  
况邕圖甫

清明時節好風光錦字何由寄永昌却羨落花春

不管飛來飛去到君傍

來楊李蘇  
鵬夫建蕙

小園花煖蝶初飛却聽疎鐘憶翠微碧落有情空

悵望寒窻燈盡月斜暉

羅趙李許  
隱淑遠渾

星河無夢夜悠悠人自傷心水自流不欲登樓更

懷古他生未卜此生休

宋劉杜李  
邕長牧商



簾幙檻褻不掛鈎百壺芳醕豈消憂春來秋去相

思在幾度高吟寄水流約不猿宿胡氏無譚

雨霽凭高只自傷蓼花紅淡葦花黃舊來好事今

能否回首東風一斷腸張鄭杜甫羅

處處斜陽草似苔倚闌愁望獨徘徊眼看春色如

流水青雀西飛竟未回韓溫崔李

霜落秋郊樹影疎千鍾紫酒薦菖蒲無情有恨何

人見一片冰心在玉壺權譚皮王

烟郊四望夕陽曛渚遠江清碧簾紋隔斷紅塵三

十里夢來何處更為雲陳鄭程李

漏滴水壺夜不乾斜風斜雨竹房寒東西未有相

逢日幾許幽情欲話難楊王許薛

東山別墅半桑田城外風悲欲暮天明月自來還

自去春愁黯黯獨成眠王王崔帝

滿城春樹雨濛濛樹遠連天水接空忽向連中幕

峻極詩人自古恨難窮章羅權司空

可堪無寐枕蛩聲帶雨通宵又徹明心為感恩長

慘憾好音何日慰平生秦薛韓杜

女牆無樹不栖鸞獨閉空山月影寒惟有夜猿知  
客恨人龍別後會何難

李義山  
顧况  
李端  
譚之

### 疲兵

決勝機關失一籌凌烟姓氏此生休射鵬貫鵠難  
誇勇說劍談天枉自謀汗馬徒勞從卸甲寒江把  
釣好披裘散材已作清閒客奏凱成功別有儔

### 病馬

駿骨虺隤不耐看逞驕無復簇金鞍塞翁失去歸  
還易伯樂重來顧却難千里奔馳曾奮躍一朝伏

櫪便辛酸可憐報國心還熱午夜長嘶血淚寒

### 囚鶴

瑤池仙質本翩翩俯首樊籠意惘然衛國乘軒知  
幾日吳都傾市憶當年芝田有露腸應斷蕙帳無  
人影自憐還望昂藏如昔比九臯一舉復冲天

### 檻鸞

一遭矰繳帶飛騰束縛隨人轉自輕解語竟難尋  
匹類偷閒何處可藏生空期彩鳳同丹穴敢望瑤  
池宴玉羹莫把青銅照憔悴幾回吊影最傷情



條鷹

曾隨鉄騎落雙鷗勢偃長鯨虎夜號擬上九霄舒  
軼氣偏遭六翮困重條羈身應被鷓鷯侮裘足難  
同鷲鷲高漠漠雲天鍾岱遠傷心故國夢魂勞

飢鳳

飲啄誰能事事宜却憐七德遇時非烟迷天塹丹  
山遠月暗秦樓彩色微道滿雲羅難振翼世無竹  
實可充飢枵然燕雀休相笑且擇梧桐僻處依

焦桐

誰識勞勞爨底材靈根懼此更堪哀人間最是中  
郎少指下難逢鍾子來擬拂薰風消歲月絕無清  
影照樓臺一時觸目淒涼處鳳去還摧遍草萊

匣劍

白虹紫電影沉沉却掛床頭伴素琴腰下嘗懸驚  
虎嘯風前一別困龍吟神光煜燿塵埋久鋒刃蹉  
跎歲月深何日更看逢烈士五陵重展十年心

併梅

絕愛瓊葩在一枝携來几席影差池依然不斷羅

浮夢相對惟賡白雪詩  
留得芳標終耐久  
從添新水莫教遲  
暗香猶記空林外  
獨抱高寒世豈知

蓮花

嫩綠新紅照水湄  
銀塘清淺露葳蕤  
張郎已往齊妃香  
顏色於今更擬誰


有感

撞破重關數又奇  
命懸一縷箭鋒機  
何年始遂還山願  
沒却人間是與非

悼鸚鵡

簷前絕晝鳴  
架上暗塵生  
學語知無分  
機心已不明  
摧殘時片刻  
羈苦歲三更  
無限憐伊處  
遙遙故國情





原件短缺

卷六目錄



Large, faint watermark or ghosting of a character, possibly '世' (Shi), is visible across the center of the page.



試粉生光春風留得清幽格蜂蝶紛紛枉自忙  
桃李無言柳未顛霜姿耐冷已居先因過水竹春  
風院恍入羅浮夜雪天幽豔乍舒供把玩清香纔  
吐正芳妍冰心自覺難諧俗花譜應稱第一仙  
春生庾嶺正繁華曲磴人來雪滿車消息奈何遲  
驛路夢魂應不到山家丰標如在香難挹明月空  
圓影自遐清玩於今竟無分衡門留得碧雲遮  
冰雪相依自有情不教驛使信無憑攀來纖手持  
金剪贈與佳人供玉餅紙帳夜寒添皎潔蘭閨春

暖護娉婷一枝凝豔方含蕊携得芬芳興倍增  
乞得山家一兩枝案頭相對慰相思黃昏細雨温  
殘夢曲徑踈籬好賦詩隱逸豈須金屋貯歲寒惟  
有素心知紛紛桃李休爭豔標格千秋獨自持  
休教蜂蝶舞差池但許名流檢一枝縱到暗香春  
暖日毋忘徹骨歲寒時冰姿肯逐東風散方寸須  
憑夜月知好待移根來上苑繁華清雅兩相宜

舟行喜晴

爲愛看山雨不妨却逢晴日泛輕航推窓但見銀

同色未辨燈光與月光

重遊虎丘

春來重向虎丘游  
冉冉長堤渺渺洲  
寶殿人歸鳥語寂  
劍池雲冷水聲幽  
忙中剩有僧叅佛  
靜裡曾無石點頭  
何限繁華空過眼  
斜陽欲落暗生愁

登靈巖涵空閣望洞庭兩山有懷陸氏姊

傑閣涵空四望同  
洞庭拱翠迥西東  
具區水濶誠難渡  
縹緲峰高未易窮  
橘柚香清懷轉切  
烟霞人在信誰通  
仙源有路原非遠  
惆悵臨風對雁鴻

再過勝蓮菴呈密翁女禪師

寶刹重經覓舊踪  
今年春與去年同  
禪宮寂寂無人到  
蓬島悠悠有水通  
但得慈航此日度  
自然塵念一時空  
可憐根鈍遭磨折  
欲叩仙幢問化工

題畫上美人

春日凝粧倚繡屏  
娉婷疑是董雙成  
嫣然獨立垂楊下  
一樣丰姿兩樣情

風光渾是武陵津  
柳碧桃紅自在春  
誰道傾城難再得  
只須從此喚真真



望月

白露空庭月正圓  
終宵對月悶無端  
芳心願逐天邊月  
明月中宵得共看

題醉月緣做迴文創體

寂寞閒庭噪晚鴉  
獨將幽恨鎖窓紗  
魂隨月影和花影  
夢繞天涯更水涯  
淚漬愁顏常帶雨  
思縈別緒漫如麻  
半塘春色還依舊  
芳草王孫路已差  
芳草王孫路已差  
夕陽樓外遍桑麻  
瓊漿解渴何時至  
星渚乘槎未有涯  
去去孤舟零白露  
盈盈小字

印紅紗無由醒得三年夢  
整頓雙鬟貼髻鴉

又題

戲擲金釵墮燕泥  
行行笑語畫橋西  
滿前好景成何用  
愁聽春鶯相向啼  
愁聽春鶯相向啼  
日長凝望月沉西  
天涯一去無消息  
腸斷青青嶺上泥

運去

運去還思漸漸通  
那知到此轉飄蓬  
花明月白都成恨  
雲散星飛總是空  
塵掩鏡消眉黛綠  
血融淚漬杜鵑紅  
不堪心事從誰說  
却道愁城尚可攻

信筆

名花百種鬪芳菲  
葉葉枝枝雅自宜  
誰道五更風雨妬  
可憐狼籍好丰姿

無瑕碧玉夜光珠  
自是連城價有餘  
失手與人輕琢削  
珠沉玉碎痛何如

次和消魂詩

桃花潭水碧沉沉  
望裡青山淡一痕  
芳草萋萋啼鳥寂  
分襟曾此黯消魂

熟梅天氣半晴陰  
冉冉薰風候漸溫  
夢醒不勝雙

腕重倩誰扶起  
暗消魂

梅花一曲倦黃昏  
收拾殘篇靜掩門  
窓外丁丁簷鐵響  
淒風苦雨頓消魂

月明銀漢淨無痕  
陣陣天香落酒樽  
何處秦樓吹玉管  
良宵美景也消魂

遠書珍重值千金  
上有平安兩字存  
欲看幾回還縮手  
那禁一語一消魂

夜深寂靜撫桐孫  
花影扶蘓寶鴨溫  
絕調湘靈徒自隔  
曲終餘韻最消魂



王氏姊見貽桂花

天香冉冉透簾櫳  
路近仙源弱水東  
歧望無邊光景好  
相尋惟有夢魂通  
忽邀綵念垂芳訊  
肯使瓊英逐曉風  
帶露挹來金粟滿  
却疑身在廣寒宮

辛巳除夕

人事匆匆歲又除  
春風應許到吾廬  
有家較勝投林鳥  
無命真同涸轍魚  
淚落紅冰燈暈滿  
香凝碧篆夢回初  
此生端合愁中盡  
莫道今宵願可如

新正太原喜席

舟輕一任片帆斜  
來謁仙源阿姆家  
新月微明仍待燭  
重門相近不須車  
玉簫聲裡釣天樂  
錦障燈前獻歲花  
笑語終宵春滿座  
勸酌禮數莫言賒

盆山八景

溪橋曲徑

無多林壑遠塵寰  
繞岬修篁碧一灣  
曲折水通明月塢  
瓊瓏石綴太湖山  
花垂畫閣紅迎日  
柳拂平橋綠映鬟  
三徑蒼苔行跡少  
忘機好鳥自關關

平曉鶯聲

何來天外曉鶯聲婉轉分明巧弄晴紅杏花梢供  
穩坐綠楊枝上任嚶鳴舌如簧轉聽尤脆喉似鸞  
調語更清自是金衣方出谷等閒燕雀敢相爭

池荷清曉

清波如鏡絕纖塵忽現紅粧似洛神冉冉欲流原  
自潔亭亭不語轉生春晨光合處添霞彩霽色分  
時出錦茵玉露乍凝珠萬點輕風搖漾水粼粼

竹院晚涼

拂拂能生夏日寒數椽掩映碧琅玕湘簾翡翠几終

朝坐露葉烟梢向夕看風入清陰題秀句枝垂密  
蔭駐文鸞斜陽影裡分明在淚恐留痕不敢彈

盆山對月

小山聳處月輪高徙倚終宵興自饒明徹直能閒  
鳳蠟澄清何異上雲霄參差花影光疑濕照耀人  
寰雪未消長對團團成勝賞不須翠巘歷岩堯

迴廊早桂

天香欲發早凝思開徧長廊倚碧墀瓊樹交加看  
並蒂金英爛熳喜連枝清芬襲處秋初覺新露溥



來影未移得向廣寒宮裏住高攀應惜步遲遲

小樓雪霽

彤雲捲盡雪初晴又聽尋梅喜鵲聲凝樹未消珠  
作顆罨蒼遙倚玉爲城蒼松翠竹顏猶凍錦帳羔  
羊煖自生塔露一尖林木杪誰將清景入詩情

斗室圍爐

重閣不畏朔風嚴一室陽和小洞天琥珀盃傾竹  
葉酒博山爐噴麝蘭烟寒深漫捲鮫綃幔筆潤憑  
揮白雪篇多少號寒冰窟裡那知金屋有瓊筵

秋柳

可堪搖落一星星別緒還縈洛下城昔日青青誰  
記取寒蟬猶作斷腸聲

絲絲嫩綠早春前和雨和烟著意妍張緒風流今  
在否得人憐處更誰憐

一枝憔悴老江濱何處飛來紫陌塵粉黛六宮春  
夢杳樓前應有斷腸人

啼徧栖烏別故宮不堪回首憶東風白家事徃青  
蛾老腸斷桓伊一曲中

京兆風情畫裏工幾翻新綠上眉峰無端消瘦新  
來甚忍向章臺問舊踪

金風吹動露華收惆悵青春挽不留深院無人啼  
鳥遍斷烟和兩冷樓頭

纖腰猶憶乍臨風裊裊亭亭一望同昨夜寒霜新  
著樹白雲黃葉有無中

吳苑隋堤憶勝游七香車子小蘭舟春光到處堪  
留戀不信飄零却在秋

瀟湘八景

瀟湘夜雨

冥冥絲雨濕前村極目蕭條繫客心風片遙連三  
峽暗雲根直接九江陰淒涼泣徧孤舟婦滴瀝驚  
回獨樹禽此際愁人聽不得殘燈無焰自呻吟

洞庭秋月

清光如練水如天夜色空濛月皎然銀漢分明當  
鳳闕玉簫何處度鸞絃參差畫閣臨冰鑑款乃漁  
歌入輞川芳信漫憑靈橘樹美人千里共嬋娟

遠浦歸帆



天塹廻塘練影長  
落霞孤鶩共飛揚  
輕風昨夜催歸棹  
岼柳經時繫畫檣  
故國乍還添笑語  
家人徒倚正相望  
從容無限鄉園樂  
烟火千村宿醞香

平沙落雁

山青水碧煖沙平  
鴻雁南來歷幾程  
嘹唳聲中同食宿  
呶啞響處共飛鳴  
蒹葭白露栖遲穩  
霜月遙天夢寐驚  
上苑雲深歸路遠  
蕭蕭聊以寄浮生

烟寺晚鐘

烟藏小寺枕巖扉  
水竹亭幽過客稀  
古剎長松留

鶴跡空山明月照  
人歸曾聞法語馴  
龍象忽聽鐘聲出  
翠微彷彿瑤臺雲  
徧繞却從清響識  
根機

漁村夕照

烟水孤蓬任所依  
晚來習習傍漁磯  
漫張燈火斜陽近  
自在盤餐紫蟹肥  
榮辱不隨名利客  
風塵聊着芰荷衣  
筇筇欲展忘機事  
笑指江心帶月歸

山市晴嵐

巒郭千家似畫圖  
朝來一望轉清和  
天空日麗山含翠  
雲淡風微水不波  
花柳含芳蜂蝶繞  
人烟暗

雜燕鶯歌嵐光吞吐相看久五色流霞間薜蘿

江天暮雪

寒風淅淅玉紛紛向晚飢禽杳莫聞好是披蓑乘  
小艇恰宜剪燭對濃醺深林似練峯難辨寒浦凝  
冰路不分一望白雲千萬頃未知何處吊湘君

新春梅花

暫收婪尾宴來看隴頭春恍入羅浮境襲人香滿  
身

即景

玉宇淨無塵凭欄自愴神可憐今夜月曾照去年  
人

荷花

仙人姑射愛凌波翠蓋紅粧艷若何清徹一塵從  
不染晚涼庭院暗香多

建蘭

馥馥幽香淡淡粧一時荷芰闢清芳須知深谷超  
凡質恰稱騷人錦瑟傍

夏夜



閒庭瀟洒芰荷香樹影參差月影長靜夜虛窓聊  
寄跡輕羅小扇罷凝粧瓜浮玉色銀盤冷簟拂冰  
紋玳瑁涼切切又驚鳴絡緯愁隨隣笛弄悠揚

螢燈

玉盤銀燭冷星彩夜光紅點點書幃裡輝輝露草  
中半明連日雨不減五更風祇惜貧家女難成針  
線工

七夕

天河今夕鵲填橋惆悵盈盈路尚遙襯月靚妝微

步穩臨風羅袂暗香飄休論一刻千金值但把經  
年積愫消玉漏無情容易盡莫教空度此良宵

九日

病裡年光去不知節臨九日倍堪思登高有伴誰  
吹帽送酒無人漫賦詩風雨滿城愁落葉雁鴻排  
陣報寒時故園蕭瑟身如寄黃菊何緣帶一枝

有懷繼父母遠宦河間府

去年臘月愁分手寒暑經過又一年豈是螟蛉空  
負德願同烏鳥侍終天三千里外書難寄十二時

中眼欲穿何日拂衣真計決片帆風月賦歸田  
癸未元日

蕭蕭風雨暗窓前栢子香清理舊篇不是無詩酌  
令節恐挑愁緒入新年

吹簫仕女

嬋娟本在瑤臺上坐石看花亦有情聞道吹簫能  
引鳳臨風莫作斷腸聲

寄吳城閨媛王采蘋

幾多心事托詩筒眷念何時釋此中兩易春秋成

契濶幾番風月屬虛空深閨日永愁難遣遠水雲  
深信未通祇有紅輪同照徹遙天漠漠思無窮

又

幸托蓮臺寄尺書一緘封就轉愁余素心憐我如  
相問為道年來病未除

挑燈聊自把詩裁筆底愁多鬱不開誰道無情同  
草木臨風對月轉徘徊

題花袖畫扇

瀟灑仙姿迥出塵芳名何似洛川神繁華消受東



王令丰韻依稀月殿人金谷園中千日好上林苑  
裡十分春而今畫扇相看處多少風情筆底親

賦得愁生明月夜

繡戶俄看降彩蟾涓涓相照若相憐瞻雲腸斷身  
如寄顧影魂消夜似年鬱結幽懷難自解低回往  
事不成眠眉峰何日能開鎖爲問清風明月天

人瘦落花天

每到春深不自由對花無語淚凝眸春光九十隨  
流水錦字三千賦別愁顧影暗驚腰帶減攬救旋

訝鬢蟬秋委紅墜紫腸堪斷盡日珠簾嬾上鈎

甲申元日

元日休嗟百事虛清琴苦茗稱幽屋案頭賸有驚  
人句架上還饒食字魚小院春回梅萼綻蓬山路  
近閱風如一年吉兆從今始且自開眉獻歲初

春日

紛紛桃李競爭妍眼底韶光益可憐春水綠波愁  
正遠中天明月夢相牽雲山望裡如圖畫鶯燕枝  
頭着管絃美景賞心知幾日不禁悵悵晚風前

送春

九十春光去似波，欲留無計柰如何。  
明年縱使重來早，夏日秋宵不易過。

白牡丹

瓊姿玉貌傍瑤臺，誰遣春風穀雨開。  
一點丹心遙向日，素娥親向月中來。

對琴

高山流水少知音，百衲誰矜祗自珍。  
我伴瑤琴琴伴我，相憐應是素心人。

咏茉莉

天與瓊葩助晚妝，搔頭寒玉暗生涼。  
看來月下人，人喜更勝珠蘭，只有香。

七夕

銀河影裡月華滋，此夕雙星會合時。  
霧帳重溫今夜夢，風鬟猶是去年姿。  
匆匆不盡離愁語，耿耿聊酌記憶詩。  
無奈更籌催換急，相逢未幾即臨歧。

初九夜復咏雙星

別夢依然兩處縈，廣寒回首不勝情。  
赤欄橋下波



仍淺玉鏡臺前月更明欲理雲鬟愁悵悵拋殘機  
杼淚盈盈傷心前夕從分袂隔斷銀河一水程

上王夫人

寒閨長自抱辛酸桃李春風未易看書卷暗消新  
歲月家聲空負舊衣冠何緣瑜瑾隣擣櫟却喜鷓  
鷯近鳳鸞欲話沉淪徧心曲誰云知己古來難

寄懷淑仙女史

脉脉離愁日夕縈尺書難倩雁傳聲縱教寫徧河  
東紙未展思君半點情

虞美人

可憐薄命自天成血淚分明萼上盈豈爲好名憑  
一劍志存大義敢偷生

年年春色一番新綽約芳容絕代人腸斷青陵臺  
畔蝶相憐應是後來身

琴

初學邯鄲武湘靈妙未傳無聊彈月夜有恨撫晴  
天調古難諧俗聲希意自全高山餘韻在魚聽出  
深泉

對月

獨坐中庭望斗牛，銀河耿耿彩雲浮。  
傷心最是樓頭月，一樣清光兩地愁。

苦雨

漠漠陰雲鬱不開，空房四壁長莓苔。  
融融化日欣初現，風雨無端忽又來。

贈別王夫人

葑菲深幸托高枝，契合芝蘭衆所知。  
小閣談心曾剪燭，華堂把觥更吟詩。  
紅蕖豔處欣相遇，黃菊開

時悵別離歸向長安歡自足，雲駟惟願去遲遲。

寄懷王夫人

曲徑淒涼絕舊隣，凌波猶記步香塵。  
清光已遠空餘跡，去日難留暗愴神。  
仙苑有書曾附雁，桃源何處可通津。  
盆山風景原如昨，不見同來玩月人。

除夕

添香剪燭理琴書，便道清閒守歲除。  
愁緒却愁除未盡，漫言如願願能如。

乙酉元日



千家爆竹報今朝  
煖日融融凍未消  
好待春回遲  
數日隴頭芳信到  
梅梢

正月初七夜倚月

一回明月半輪孤  
乍展菱花傍玉壺  
掩映個中人  
不見空餘清影照  
流蘇

花朝感懷

時光忽忽又花朝  
誰道當春轉寂寥  
鴻雁影稀芳  
信隔雲霄目斷碧  
天遙  
矢心自分今生已  
薄命拚  
將萬念消  
終夕沉吟愁不寐  
月寒風冷夜迢迢

梧桐

本直凌青漢  
陰垂護小樓  
平時不輕落  
一葉待新

秋

珍重栖凰質  
安閒鏤月心  
高山流水調  
憑爾覓知

音

七夕懷淑仙

去年今夕小庭中  
青女移香降月宮  
天上佳期靈  
鵲度人間  
好會玉書通  
巫雲弱水留難住  
漏短情  
長話未終惆悵  
河橋輕一別  
直教踪跡似飛鴻

秋日感懷集唐

萬家相慶喜秋成來慣幽禽近不驚獨倚欄干意  
難寫百憂如草雨中生

杜 吳 崔 薛  
牧 融 魯 逢

閒居

小閣涼秋入夜清數椽如舫寄浮生心傷久厭窮  
經史運去真慚識姓名事可人爲寧待指境非我  
處復何爭鷗群本是忘機者不覺看雲感世情  
切切驚秋絡緯聲謀生端合學無生囊空尚可收  
榆莢燈暗仍須借月明歸隱志難營素業消除病

在破愁城瑤臺有分終能到雲水淒清好結盟

病中自遣

瘦軀扶病怯纖纖藥裹茶鐺傍枕前苦澁嘗來嘗  
已徧蒼蒼猶未肯相憐

採得忘憂當午餐起屋曾學養真元痴聾只當道  
遙散藥草焉能却病原

前途信步莫躊躇造物原來不忌余香有水沉萍  
陽羨明窓閒看幾行書

何須井底苦爭雄身外應知萬事空物我兩途毫



不碍休將塵念掛胸中

八月九日早桂方開清遠甥以詩見示即次

原韻

每逢親舊話偏深此際休教煩惱索風日正佳秋  
未老天香才放月初明且收藥碗供茶碗莫問人  
情與世情四壁清光涼似水只凭新句遣愁生

芭蕉

綠雲孃孃覆牆陰一葉相連一卷心裁作長箋供  
染翰爭教紙價不如金

菊花

春花春草鬪芳姿媚綠妍紅趨一時誰似秋英榮  
晚節寒風不易傲霜枝

盆松

凌霜傲雪龍鱗老百尺干霄也不難一自起頭遭  
屈曲竟同瓦缶向清寒

寄女貞院吳法師

尚記春芽手自煎仙凡無柰隔遙天三年契闊形  
將化一徃情深志愈堅蔬食久能甘澹泊布衣從

不羨鮮妍清華大地憑招隱便撥塵踪侍法筵

閱張氏書法

八體縱橫到化工豈知高手出閨中銀鈎鐵畫鋪  
零璧鶴舞龍游吐彩虹妙筆應將紅袖拂名書好  
倩碧紗籠須教珍重貽同志莫但臨摹是戲鴻

壽俞孺人

漸臻蔗境樂無涯六十行年鬢未華玉貌似曾餐  
絳雪朱顏奚待服丹砂鹿門偕隱尋仙侶海屋添  
籌映綵霞好向畫堂成九祝不須蓬島泛胡麻

謝錢夫人見貽菊花

深黃淺白傲霜姿携向籬邊問土宜培植最難長  
夏日贈貽正喜晚秋時膽餅獨對香芬馥水月尤  
欣影陸離陶令當年相賞意豈同桃李綴繁枝

看牡丹

時當穀雨是良辰魏紫姚黃總絕倫一色瑤堦含  
曉霧千層紅袖綴芳塵傾城豈獨輕飛燕捧硯無  
辭並太真何幸得來同勝賞花神且莫笑愁人

五日



那堪意緒鎮淹淹風雨黃霉五月天避地光陰常  
聞寂向陽葵藿自鮮妍縱橫漫理三千字潦倒真  
消二十年心似死灰吹不起又逢佳節帶人憐

思歸

雁聲嘹唳轉愁予歸去無由寄尺書天地爲廬原  
是客故園松菊近何如

咏蟬

漫道登仙羽化難污泥解脫任翩翩枝頭高噪原  
無碍只是愁人不耐煩

歲暮答淑英甥

春前一別歲將辭忽展鸞箋慰夢思偶問起居增  
太息飯心巖壑尚稽遲耕耘久廢貧難療鍼線營  
需儉可知欲作幾行傳積愫相依寧得似當時

贈姪嘉禮

笙歌宛轉燭花紅莫訝藍橋少路通此夕人間春  
幾許會看仙子出塵中  
盤龍明鏡碧窓前取次粧成態自妍誰謂蓬瀛天  
樣遠翠幃咫尺是神仙

畫屏銀燭兩輝煌  
寶髻玲瓏別樣粧  
應是三生曾定約  
瓊漿今合授裴航

元夜

朱樓徹夜管絃聲  
靜處依然似水清  
好句不成頻剪燭  
閒愁還在且傾醒  
美人未得同明月  
花市休勞羨赤城  
欸欸東風寒漸減  
蓬門亦自有春生



